

Дидактик, арга зүйг хөгжүүлэх бүсийн уралдааны удирдамж

“Олон хэл, олон соёлт боловсрол нь энх тайваны, тогтвортой хөгжлийн зам мөн.”

Эрхэм хүндэт багш нар аа! *“Олон хэл, олон соёлт боловсрол - энх тайван, тогтвортой хөгжлийн зам”* дидактик, арга зүйг хөгжүүлэх бүсийн уралдаанд оролцохыг урьж байна.

Энэхүү уралдааныг ЕАБХАБ-ын Үндэстний цөөнхийн асуудал эрхэлсэн дээд комиссарын Төв Азийн боловсролын хөтөлбөрийн хүрээнд оролцогч орнуудын Боловсролын Яамны дэмжлэгээр зохион байгуулна.

Уралдаанд оролцох материалыг хүлээн авах хугацаа: 2021 оны 9-р сарын 10-наас 10-р сарын 10 хүртэл. Тэмцээний дүнг нэгтгэх хугацаа - 2021 оны 10-р сарын 25 хүртэл.

Тэмцээний финалд шалгарсан оролцогчид семинар, дугуй ширээний ярилцлагын хэлбэрээр бүсийн сургалтад оролцогч орнуудын төлөөлөгчдийн оролцоотойгоор өөрсдийн бүтээлийг танилцуулах боломжтой.

Шилдэг бүтээлүүдийг хөтөлбөрийн вэбсайтад (www.edu-resource.net) нийтлэх бөгөөд хүн бүр ашиглах боломжтой.

Уралдааны 8 номинаци тус бүрээс шилдэг 6 бүтээлийг тодруулж, шилдгүүдийг диплом, дурсгалын зүйлээр шагнах болно.

"Олон хэл ба олон үндэстний боловсрол - энх тайван, тогтвортой хөгжлийн зам" дидактик, арга зүйн хөгжлийн бүсийн уралдааныг (цаашид тэмцээн гэж нэрлэнэ) **хамтран зохион байгуулагчид:** Бүгд Найрамдах Казахстан Улсын Багш нарын мэргэжил дээшлүүлэх "Өрлеу" төвийн Алматы хот дахь салбар, Бүгд Найрамдах Киргиз Улсын Боловсрол, Шинжлэх Ухааны Яамны дэргэдэх Багшийн мэргэжил дээшлүүлэх, давтан сургах хүрээлэн, Киргизстаны Нийгмийн интеграцийн төв, Монгол Улсын Боловсролын Яамны харьяа Боловсролын хүрээлэн, Бүгд Найрамдах Тажикистан Улсын Боловсрол, Шинжлэх ухааны Яамны харьяа Боловсролыг хөгжүүлэх хүрээлэн.

Зорилго:

- Сургалтын үйл явцын эрдэм шинжилгээ, арга зүйн дэмжлэгийг сайжруулж, багш нарын мэргэжлийн ур чадварын хөгжлийг идэвхжүүлэх замаар эх хэл дээр суурилсан олон хэл, олон соёлт боловсролыг сурталчлах, хөгжүүлэхэд хувь нэмэр оруулах;
- Олон хэл, олон соёлт боловсролын шилдэг туршлагыг нэгтгэх, түгээх, багш нарын бүтээлч үйл ажиллагаа, мэргэжлийн ур чадварыг хөгжүүлэх.

Зорилт:

- Олон хэлний боловсролын хөтөлбөрөөр ажиллаж буй шилдэг мэргэжилтнүүдийг тодруулж, олон хэл, олон соёлт боловсролын чиглэлээр Төв Азийн Боловсролын хөтөлбөрийн гишүүн орнуудын шинжээчдийн чадавхыг бэхжүүлэхэд хувь нэмэр оруулах;
- Олон хэлний боловсролын хөтөлбөрийг хэрэгжүүлж буй боловсролын байгууллагуудад цаашид практик хэрэглээ болгох үүднээс олон хэл, олон соёлт боловсролын талаарх дидактик, арга зүйн хөгжлийн нөөцийг бий болгох;
- Олон хэл, олон соёлт боловсролын чиглэлээр бүс нутгийн хамтын ажиллагааны сүлжээг улам сайжруулж бэхжүүлэхийн тулд тэмцээний үр дүнг ашиглах;

1. Тэмцээний нөхцөл

1.1. Оролцогчид

Уралдаанд оролцогчдын хувьд зохион байгуулалт, хууль эрх зүйн хэлбэрээс үл хамааран хоёр/олон хэлний боловсролын хөтөлбөрийг хэрэгжүүлж буй Төв Азийн Боловсролын хөтөлбөрийн гишүүн орнуудын сургуулийн өмнөх, дунд, дээд, нэмэлт боловсролын байгууллагын багш ажилчдыг урьж байна.

1.2. Тэмцээний номинаци

Уралдаан нь 8 үзүүлэлтээр (номинаци) явагдана.

1. Цэцэрлэгийн хоёр хэлний/олон хэлний боловсролын хөтөлбөрийн хүрээнд арга зүйгээ хөгжүүлэх (нэг өдрийн үйл ажиллагааны бэлтгэл, төлөвлөлт хэлийг судлагдахуунтай интеграцчилж заах арга зүйд үндэслэсэн цогц хичээл (CLIL)).
2. СХИС арга зүйд суурилсан хичээл/цогц хичээлийн арга зүйн боловсруулалт. Хичээлийг бие даан хөгжүүлэхээс гадна төрөл бүрийн сэдвээр (янз бүрийн судлагдахуун) багаараа цогц хичээлийн төлөвлөлт хийх үйл ажиллагааг дэмжиж, судлагдахуун, хэлийг интеграцчилан заах арга зүйн хүрээнд судлагдахууны харилцан уялдааг тусгасан сэдвүүдийг төлөвлөхийг зөвлөж байна.
3. Олон хэл, олон соёлт боловсролын хөтөлбөрийн хүрээнд хичээлээс гадуурх үйл ажиллагааны арга зүйн хөгжил.
4. Олон хэл, олон соёлт боловсролын хөтөлбөрийг хэрэгжүүлэх видео хичээл (их сургуулийн хичээл, ЕБС-ийн хичээл, цэцэрлэгийн хичээл, хичээлээс гадуурх үйл ажиллагаа гэх мэт).
5. Олон хэлний боловсролын хөтөлбөрийн хүрээнд бэлтгэсэн хувийн ажлын туршлага (баг, боловсролын байгууллагын ажлын туршлага) -ыг нэгтгэсэн нийтлэл (өгүүлэл).
6. Олон хэл, олон соёлт боловсролын хөтөлбөрийн хүрээнд их, дээд сургуулийн сургалтын хөтөлбөр.
7. Олон хэл, олон соёлт боловсролын хөтөлбөрийн ахисан түвшний сургалтын хөтөлбөр.
8. Сургалтын хэрэглэгдэхүүн (ажлын хуудас, тэдгээрийн хэрэглээг тайлбарласан флаш карт, үгийн нөөц, толь бичиг гэх мэт).

Уралдаанд оролцох журам

Уралдаанд оролцохын тулд та дараах зүйлийг урьдчилан ирүүлнэ.

- Уралдаанд дээр дурдсан номинациудын дагуу хувь хүн эсвэл багаар оролцож болно. Оролцох материалын тоо хязгааргүй.
- Өргөдлийн хүснэгт (Хавсралт 1-ийг үзнэ үү) болон цахим өргөдлийн маягтыг мөн вэбсайтад байрлуулсан болно. (www.edu-resource.net); Өргөдлийг уралдаанд ирүүлсэн материал бүрийн хувьд тусад нь бөглөнө.
- Арга зүйн онцлог, түүнийг ашиглах боломжуудын товч тайлбар (орос хэлээр 300-аас илүүгүй үгтэй)

3. Хэрэглэгдэхүүнд тавигдах шаардлага

- *Уралдаанд оролцох бүтээлийг өөрийн хэрэгжүүлж буй хоёр хэл/олон хэлний хөтөлбөрт ашиглаж буй хэлээр гүйцэтгэнэ.*
- *Бүтээлийг Word эсвэл видео хэлбэрээр илгээнэ.*

- *Microsoft Word форматаар: фонтын төрөл – Times New Roman, фонтын хэмжээ - 12, мөр хоорондын зай - single. Хаалт: зүүн - 30мм, баруун, дээд ба доод - 20мм. Догол мөрийн зай - 1см.*
- *Видео форматаар: HD (1280x720)-ээс Full HD (1920x1080) хүртэл хэмжээтэй, тгед4 формат, видео материалын хугацаа 20 минут хүртэл.*

4. Бүтээлийг үнэлэх шалгуур

- Бүтээлийн тулгамдсан асуудлыг дэвшүүлсэн болон уралдааны зорилго, зорилтод нийцсэн байдал.
- Олон хэл, олон соёлт боловсролын хандлага, стратегийг дагаж мөрдөх (4С-д суурилсан төлөвлөлт, судлагдахуун, хэлийг интеграцчилах, дэмжлэг үзүүлэх үе шат/ суралцагчдыг дэмжих, олон хэлний мэдлэг, багаар ажиллах чадвар, судлагдахууныг солих гэх мэт).
- Арга зүйн материалын боловсруулалтын түвшин (шинжлэх ухааны баримтад нийцсэн байдал, зохиогчийн санаа, агуулга, найруулга, танилцуулгын бүтэц, учир шалтгааны уялдаа холбоо);
- Сурагчдын нас, сэтгэл зүйн онцлогт нийцсэн байдал;
- Арга зүйн хөгжлийн онцлог;
- Орчин үеийн мэдээлэл, харилцааны технологийг ашигласан байдал;
- Арга зүйг боловсруулахад хэрэглэдэг арга, техникийн хувилбарууд, үр нөлөө (хэрэгжих боломж, хүрэлцээ, хэрэгцээ).
- Сургалтыг зохион байгуулах төрөл бүрийн арга хэлбэрүүд (бие даасан, хосоор, багаар гэх мэт).

5. Тэмцээний журам, хугацаа

5.1. Уралдаанд оролцох хүсэлтийг 2021 оны 9-р сарын 10-наас 10-р сарын 10 хүртэл хүлээн авна. Заасан хугацаанаас хожим ирүүлсэн өргөдлийг хэлэлцэхгүй бөгөөд буцаахгүй.

5.2. Уралдаанд оролцох өргөдөл, материалыг 2021 оны 10-р сарын 11-ээс 11-р сарын 11 хүртэл хэлэлцэнэ.

5.3. Шилдэгүүдийн шалгаруулалтыг 2021 оны 12-р сарын 1-ээс хэтрэхгүй хугацаанд хийнэ.

5.4. Уралдааны материалыг цуглуулах, зохион байгуулахад Төв Азийн боловсролын хөтөлбөрийн түнш байгууллагууд дэмжлэг үзүүлнэ.

- Бүгд Найрамдах Казахстан Улс, Багшийн мэргэжил дээшлүүлэх "Өрлеу" төв;
- Бүгд Найрамдах Киргиз Улсын Боловсрол, Шинжлэх Ухааны Яамны дэргэдэх Багшийн мэргэжил дээшлүүлэх, давтан сургах хүрээлэн;
- Киргизстан, Нийгмийн интеграцийн төв;
- Монгол Улсын Боловсролын Яамны харьяа Боловсролын хүрээлэн;
- Бүгд Найрамдах Тажикистан Улсын Боловсрол, Шинжлэх Ухааны Яамны дэргэдэх Боловсролын хөгжлийн хүрээлэн;

6. Тэмцээний ялагчдыг дүгнэж урамшуулах

6.1. 8 номинацид 6 ялагчийг тодруулж, нэг, хоёр, гуравдугаар зэргийн диплом, дурсгалын зүйлээр урамшуулан шагнана.

Тэмцээний бүх оролцогчдод гэрчилгээ олгоно.

6.2. Тэмцээний ялагчдад Төв Азийн Боловсролын хөтөлбөрөөс зохион байгуулагдах семинар, вебинар, бүс нутгийн сургалтад өөрсдийн бүтээлээ танилцуулах боломжийг олгоно.

6.3. Шалгарсан оролцогчдын шилдэг бүтээлүүдийг www.edu-resource.net вэбсайтад, арга зүйн материалын цуглуулгад нийтэлж, хүн бүр ашиглах боломжтой болно.

7. Зохиогчийн эрх

7.1. Уралдаанд оролцогч нь тэмцээнд оролцох материалаа ямар ч хэлбэрээр ашиглах хувийн өмчийн болон үл хөдлөх хөрөнгийн зохиогчийн эрхтэй гэдгээ баталгаажуулна. Уралдаанд оролцогчид гуравдагч этгээдийн зохиогчийн эрх (холбогдох) эрхийг зөрчсөн тохиолдолд хувийн хариуцлага хүлээнэ.

7.2. Уралдаанд оролцсон оюуны үйл ажиллагааны үр дүнд зохиогчийн эрх зөрчсөнтэй холбоотой гуравдагч этгээдийн нэхэмжлэл гарсан тохиолдолд тэмцээнд оролцогч дангаараа болон өөрийн зардлаар шийдвэрлэх үүргийг хүлээнэ.

7.3. Уралдаанд бүтээлээ ирүүлсэн зохиогч нь уралдааныг зохион байгуулагчдад тус бүтээлээ хязгааргүй хугацаанд үнэ төлбөргүй ашиглах эрхийг сайн дураараа, ямар ч болзолгүй, өгнө (үүнд олон нийтэд нээлттэй байх эрхийг багтаасан болно). Уралдаанд оролцсон материалуудыг (интернетэд байрлуулах, телевизийн хөтөлбөр, бүтээлч төсөл, хэвлэл мэдээллийн хэрэгслээр нийтлэх, хуулбарлах, бүтээлч боловсруулалт хийх гэх мэт) тараана.

7.4. Уралдаанд оролцох өргөдөл гаргаснаар зохиогч нь хувийн мэдээлэл (овог, нэр, и-мэйл хаяг, зураг (гэрэл зураг) болон бусад хувийн мэдээлэл) ашиглах, боловсруулах зөвшөөрлийг зохион байгуулагчдад өгнө.

7.5. Уралдаанд оролцогчид овог нэр, зураг (гэрэл зураг)-аа уралдааныг зохион байгуулагчийн вэбсайт, хэвлэл, радио, телевизийн нэвтрүүлэг, интернет, хэвлэл мэдээллийн хэрэгсэл дээр байрлуулахыг зөвшөөрнө. (YouTube, Facebook гэх мэт)

8. Тэмцээнийг зохион байгуулах хороо

8.1. Тэмцээнийг зохион явуулахын тулд Төв Азийн боловсролын хөтөлбөр нь тэмцээнийг хамтран зохион байгуулагчидтай тохиролцож, Тэмцээнийг зохион байгуулах хороо (цаашид Зохион байгуулах хороо)-г байгуулна. Тус хороо нь:

- Тэмцээнийг зохион явуулах журам, үнэлэх шалгуурыг тогтооно.
- Шүүгчдийн бүрэлдэхүүн, ажлын дүрмийг батална.
- Шилдэг бүтээлүүдийг шалгаруулах журам, танилцуулах дараалал, хэлбэр, байршлыг тодорхойлно.
- Уралдааны финалын хэлбэр, байршлыг санал болгоно.
- Уралдааныг зарлах, явуулах тухай зар, сурталчлагааг олон нийтийн мэдээллийн хэрэгслээр нийтлэхийг хариуцна.
- Уралдааны шүүгчдийн шийдвэрийг хэлэлцэж батална.

УРАЛДААНД ОРОЛЦОХ ӨРГӨДӨЛ**"Олон хэл, олон соёлт боловсрол - энх тайван, тогтвортой хөгжлийн зам"**

№	Агуулга	Оролцогчийн мэдээлэл
1	Файлын нэр	
2	Бүтээлийн нэр	
3	Номинаци	
4	Бүтээлийн төрөл	
5	Бүтээлийн товч тайлбар (300 үгээс хэтрэхгүй)	
6	Оролцогчийн овог нэр (бүтнээр)	
7	Оролцогчийн албан тушаал	
8	Ажлын туршлага	
9	Улс	
10	Боловсролын байгууллагын нэр	
11	Боловсролын байгууллагын хаяг	
12	Имэйл хаяг	
13	Холбоо барих утасны дугаар	

Багаараа оролцсон тохиолдолд нэг ерөнхий анкет бөглөнө.